

# ՀԱՃԱԽԱԿԻ ՏՐՎՈՂ ՀԱՐՑԵՐ – Հաճախման տեղեկատվություն ԲԴՄՇ-ի աշակերտների և ծնողների համար

## **Կատարում են ուսուցիչները ներկա և բացակա:**

Այո, ուսուցիչները նշում են աշակերտների ներկայությունը և նշում «A» տառով, եթե աշակերտը ներկա չի գտնվում **երկուշաբթիից մինչև հինգաշաբթի** ուղիղ եթերով դասավանդման ընթացքում:

## **Ինչպե՞ս է համացանցային դասավանդումից քաղվում աշակերտի ներկայությունը:**

Աշակերտը պետք է լրացնի Գուգլ ներկայության փաստաթուղթը (Google Attendance Form), (այն տեղադրված է աշակերտի Գուգլ դասասենյակում) երկուշաբթիից մինչև ուրբաթ:

## **Մինչև ժամը քանիսը՞ կարող ենք նշել հաճախումը համացանցային ուսուցման ընթացքում:**

Հաճախման օրը մինչև գիշերվա ժամը 11:59-ը:

## **Ինչպե՞ս կարող ենք հարգելի բացակայություն ստանալ:**

Նույն կերպ, ինչպես ավանդական ուսուցման մոդելի ընթացքում: Ծնողները, 3 օրվա ընթացքում, պետք է դպրոցին հայտնեն երեխայի բացակայությունը (էլեկտրոնային նամակով, դպրոցի հաճախման էլեկտրոնային նամակով, հեռախոսով և այլն): Խնդրում ենք օգտվել երեխայի դպրոցի կայքից, որպեսզի տեղեկանաք, թե էլեկտրոնային փոստի որ հասցեին ուղարկեք ձեր գրությունը:

## **Որո՞նք են ԲԴՄՇ-ի հաճախման սպասելիքները:**

Այժմ, ավելի քան երբևէ, աշակերտներին հարկավոր է ցուցաբերել հետևողականություն և կենտրոնացում: Նրանք պետք է ներկա գտնվեն համացանցային ուղիղ եթերով տրված բոլոր դասերի ընթացքում և լրացնեն Գուգլ հաճախման փաստաթուղթը ամեն օր կեսօրից հետո կամ երեկոյան:

## **Ի՞նչ կլինի, եթե աշակերտը բաց թողնի ուղիղ եթերի կամ հեռակա ուսուցման դասը:**

Դպրոցական մեր շրջանը հասկանում է, որ հաջողության և ուսուցման բանալին հետևողական հաճախումն է: Դպրոցի աշխատակիցները կապ կհաստատեն միշտ բացակայող աշակերտների հետ, որպեսզի անհրաժեշտ աջակցություն ցուցաբերեն: Կալիֆոռնիայի նահանգի պարտադիր հաճախման օրենքները գործում են, և եթե աշակերտը ուսումնական տարվա դասերի 10%-ից շատ բացակայի, ապա ԲԴՄՇ-ն պարտավոր է միջամտել և աջակցել աշակերտին բարելավել հաճախումը:

## **Նշվում է՞ ուրբաթ օրվա հաճախումը:**

Այո, ձեր երեխան պետք է նշի իր հաճախումը Գուգլ դասասենյակի հաճախման բաժնում, երբ հանձնարարություն է կատարում ուրբաթ օրերին:

## **Ինչպե՞ս կարող եմ ստուգել երեխայի հաճախումները:**

Բոլոր ծնողներին հասանելի է ծնողական պորտալ կայքը, որտեղ զետեղված են հաճախումները:

## **Որո՞նք են հաճախման նոր կոդերը, որ դուք կհանդիպեք ծնողական պորտալ կայքում:**

**D** Չի մասնակցել հեռակա ուսուցման ընթացքում **E** Մասնակցել է հեռակա ուսուցման ընթացքում

**F** Ուրբաթ օրը չի մասնակցել հեռակա ուսուցման ընթացքում **J** Առցանց չի մասնակցել, բայց կատարել է աշխատանք